



kal.komp.

17160

I

Mag. St. Dr

P

*Herakowski Job. Oratio panegyrica  
Jlmo D. D. Janusio Dni in Ostrojet  
1612.*

PANEG. et VITAE

Polon.

4<sup>a</sup>

№ 662.







# ORATIO PANEGYRICA.

Illustrissimo Domino,  
D. IANVSSIO DVCI  
IN OSTROG, COMITI IN TAR-  
now, Castellano Cracouien: Włoz-  
dimirien: Cercassien: Białocerkieuien: Canouien:  
Bohusław: Pereasław: Capitaneo, &c. &c.  
dicta, dicataq;

A  
SEBASTIANO SŁSZKOWSKI, *Artium lib:  
Magistro, & Phil: Doctore.*

VII. Cal: Octobris. Anno D. M. DC. XII.



309.

CRACOVIAE, Typis Simonis Kęmpinij.



IN ARMA  
Illustrissimorum Ducum  
OSTROGIORVM.



17160 I

QVid Bellator eques, monstrū prosterne tentans?  
Quid surgensq; , notat, crux, & apertus apex?  
Stella notat claros clarâ pietate Dynastas,  
Queis splendet sanctæ Relligionis honos.  
Luna quid? aut rutilo distincta sagitta Pyropo?  
Rectis in cœlum gloria pandit iter.



*Illustrissimo Domino,*

D. IANVSSIO DVCI IN  
Ostrog, Castellano Cracouien:

Capitano Canouien. &c. &c. Domino, &  
Patrono suo Colendissimo.

S. P. D.

**C**elebris ac peruetus apud omnes passim gētes mos erat,  
Illustris: Princeps, Domine, Patrone Musarum inclyte,  
non modò diuis per modum gratitudinis sacrificare, sed viris  
etiam principibus, & de Repub: optimè meritis, tam publicè  
quàm priuatim accessionem honoris gratulari: imò & donaria  
offerre, quæ simulachra essent virtutis, & gloriæ monimēta ad  
omnem posteritatem deriuantia: quorum contemplatione illi  
quoq; per insignem emulationē ad easdem heroicæ, & excelsas  
virtutes accenderentur, & ad immortalis gloriæ splendorem  
incitarentur. Hinc antiqui illi viuas effigies exprimere, illu-  
stri causa perpetuitatem merentium: quidam autem statuas in  
certamine Olympico, vel campo Martio victoribus solebant  
erigere. Et quidem quæ diis consecrata erant, ἑιδωλα: quæ He-  
roibus, ἑόανα: quæ Regibus, Ἀνδριάντα: quæ sapientibus Εἰκελα:  
quæ deniq; benè meritis ciuibz Κεῖλη vocabantur, authore  
Pausania, & Plutarcho. Quo etiam pacto Alexandrum Seue-  
rum Imperatorem imaginibus clarorum virorum lararium su-  
um ornaſſe testis est Lampridius. Et Marcū quoq; Varronem  
non solum nominibus, sed etiam imaginibus septingentorum  
illustrium virorum libris suis insertis mirifice delectatū fuisse



scribit Titus Pomponius Atticus. Quid ego de te dicā, Illustrissime Princeps? Profecto splendor generis Tui, & virtutum tuarum claritas hoc requirere videtur, ut sicut ille Alexander Magnus, non nisi ab Apelle pingi, à Lysippo fingi deberes. Multae enim sunt, & magnae actiones Tuae tum publicae tum privatae, quae in ore sunt omnium: cum & in Chronicis passim dexteritas maiorum tuorum legatur, & magnitudo meritorum commemoretur: neque enim humili, aut obscuro loco celebratissima virtutum Tuarum munera desident, sed quasi è specula quadam excelsa atque illustri relucet, & radiis suis Reip. salutem protendunt: ob quae non modò à Regibus, & summis quibusque viris, verum etiam ab exteris nationibus, & populis, ac inprimis ab eruditis omnibus mirifice amaris, & observaris. Tuum illi augustissimum, & semper illustrissimum nomen suspiciunt, ac venerantur. Et verò cum hoc tempore spectatissimam virginem, adeò omnibus gratiis ornatam, ut non ab hominibus genita, sed à diis ipsis facta esse videatur, matrimonio tibi coniungere voluistis: cum qua deinceps per omne reliquum vitae Tuae spacium placidè, iucundèque viuas, cuius sanctissimis moribus Te, & tuam constantissimam fidem committas, ex eaque liberos expectes, qui nominis, famae, dignitatis, gloriaeque paternae sint haeredes, & emulatores: Quod felix, faustum, fortunatumque sit: Tuam Sapientiam etiam atque etiam admiror, eius autem felicitati admodum gratulor, quae tibi se coniungit viro, qui virtute, & sapientia, non modò eos, qui hoc tempore sunt, sed etiam antiquitatis memoriam omnem superasti. Nam cum scias filios esse familiae columnen, & immortalitatis documentum, hoc intendis, ut cum eis

paren-



parentes renasci videantur, & extet honorificentissima no-  
ministui memoria apud omnes, ac rectè factorum claritas  
in omne ævum duratura prædicetur. Quocirca cum omnes  
passim tibi applaudant, omnes in tui actus istius celebritate  
summa quæq; in te deferant animorum suorum argumenta, &  
fidelitatis ornamenta, egonè adeò deses, & ignavus ero, qui etiã  
tanquam anser inter olores nõ aliquid gestiente animo perstre-  
pam? præsertim cum incredibile Tuã humanitatem in te per-  
spexerim in P O T O K ante aliquot annos erga me declara-  
tam, dum Czeſtochouiã proficiſcens ad Magnificũ ac Generosum  
Dominum Martinum Silnicki, Dominum, & benefactorem  
meum benignè diuertisses, mihiq; te salutãti singularem animi  
tui beneuolentiã declarãſſes. Itaq; quò minus de tua volunta-  
te erga bonas literas dubito, eò magis studio quodam incredi-  
bili beneuolentiã tuam erga me excitandi ardeo, & in nume-  
ro tuorum clientum reponi vehementer exardeſco. Accipe igitur,  
vir Maxime, ac Illuſtriſſime, & accipe lubens volensq; munuſculum  
hoc qualequale literarium, animi mei ſyncerum  
pignus, & virtutis tuæ nunquã intermoritura argumentum.  
Quod ſi (ut ſpero) non omnino tibi diſplicuerit, ſedulam  
dabo operam, ut maiorum vigiliarum opere aliquo mea erga  
te, & tuos poſteros, fides, atq; obſeruantia ſimul cum laude  
virtutis tuæ & prudentiæ accuratiùs exactiùsq; expreſſa,  
cunãtis in poſterum gentibus inclareſcat. Vale Princeps Illu-  
ſtriſſime. Dat: Crac. 7. Calend. Octob: Anno Domini 1612.

Illuſtriſſimæ celiſtudinis Tuæ

Addiſtiſſimus cliens

M. Sebastianus Slefzkowski.



C  
M  
rum  
duce  
felic  
ac et  
cure  
atèq  
tim,  
ens r  
tuam  
Bon

Publ  
aut p  
tiâ m  
& q  
con  
ritu,  
anin  
tiad  
pere  
toru  
& an  
plar  
cog  
mar



## ORATIO PANEGYRICA.

**M**Agnum & illustre munus est, Illustrissime Princeps, de genere humano mereri: id est, multorum aliô flexas mentes ad metam illam Publici Boni ducere, ac dirigere. Reuera enim in hoc vno nostra felicitas sita, vt Publica salus salua, & integra constet; ac etiam optimus quisq; nascitur, non vt sese molliter curet, sed vt per ipsum in communi societate benè beatèq; , id est, sanctè, innoxie, ex vsu publico, & priuatim, & publicè viuatur. Ego ita sentio, omnisq; sapiens mecum; & simul facio hac opellâ meâ in laudem tuam factâ, & testimonium immortalitatis, ob tua in Bonum Publicum merita atq; virtutes,

*quas nec ventura silebunt*

*Lustra, nec ignota rapiet sub nube vetustas.*

Publicè quippe interest aliquod virtutibus præmiū, aut præconiū saltē esse: & ne ijs sit tantum ex conscientia merces. At enim quā sic mereor? mereor: quia iuuo, & quidem veteres mihi præeūt, qui in publicis etiam conuiujs Principū virorum merita, & virtutes solēni ritu, meloq; suauiter occinentes, accendebant iuuetutis animos ad probitatem, atq; egregia gesta: præit *Mil-*tiades, qui suis trophæis non patiebatur somnum capere Themistoclem. Hoc ipsum hîc ego volo, & multorum animos succendo ad virtutem, præclara facta, & amorem patriæ, dum breuiter te talium viuū exemplar ipsis præcino. Et rectè, duci natura mauult, quàm cogi: ad Principem autem virum reliqui ciues se formant, &

*Componitur*

*Olim in publico conuiujs Principū viri virtutes legantur.*



*Componitur orbis  
Eius ad exemplum.*

Nec causa occulta: quoniam ad alta illa versæ plerūq;  
mentes, & oculi: nec tam imperio nobis opus, quàm  
exemplo. Sponte sequimur, si præit virtute, qui digni-  
tate. Neq; hîc inanis conatus meus, splēdida, fateor,  
per se tua virtus, facta illustria; verùm tu, Princeps Il-  
lustrissime, nō huic duntaxat, sed etiam illi vitæ serui,  
quàm ipsa æternitas intuebitur: serui iudicibus, qui  
multis post sæculis ( vt hoc cum Cicerone dicam ) de  
te iudicabunt; & quidem haud scio an incorruptiūs  
quàm nos: nam & sine amore, & sine cupiditate: &  
rursus, sine odio, & sine inuidia iudicabunt, & imita-  
buntur; serui inquam, posteritati, & benigniter pa-  
tere de te, tuisq; virtutibus aliquid proferre in lucem.  
Mihi ecce

*Libenter hoc, & omne militabitur*

*Bellum in tua spem gratia.*

*Absq; af-  
firatione.  
Absquē  
fuo.*

Et quidem ἀνευ τῆς κολακείας; quia me procul ab ea fin-  
xit natura; ἀνευ τῆς φανακισμῶς; quia ab hoc vitio semper  
ego alienus. Tu verò Princeps Illustrissime,

*Dum tibi res, non te rebus subiungere conor,*  
animum meum, quod præcipuè volo, vide, cognosce,  
promoue, aurāq; lenitatis & beneuolentiæ tuæ ei spi-  
ra, eum dirige, & accipe; accipe & tu ô mea Polonia,  
meis verbis, quē iā olim accepisti factis Principem au-  
reū ab æquo aureo, vt quē virtus, virtus inprimis, genus,  
merita in Rempub: splendidissima omnia decorârūt.

Magna



Magna est vis sanguinis, & originis, Illustrissime Prin-  
ceps: quia è sentibus non gignitur rosa, ab hac ordior  
in re tua, & verè affirmo, non multas in vniuerso ter-  
rarum orbe gentes reperiri, quæ cum ea vel antiquita-  
te, vel rerum gestarum gloria queant comparari. Vide-  
licet alta ab origine per Duces ab Ostrog ( qui olim  
è Ducibus Russiæ nobilissimis orti familijs locum,  
& lucem inter Sarmatiæ proceres semper tenuerunt )  
deriuatus in te sanguis natales tuos instruit. Russus fra-  
ter Lechi Polonorum primi Ducis ( Historia, quæ est Matthias  
à Miech:  
rerū vol:  
Scriptor  
lib. 1. cap  
2. testis temporum, & lux veritatis, docet ) vir clarus, &  
fortis, primus tibi Dux, & parens, venit in eam regio-  
nem, quæ nunc ab illo Russia dicta, eam suæ ditioni  
subiecit: diu salubriter rexit: tandem suis posteris Cio,  
Sateco, Coreuo, reliquit, qui per lōgos nepotes Ascol-  
to, ac Dyro imperium felix, & propagatum tradide-  
runt. Quid hīc Ruricum, Seneum, Truborē, loquar?  
quid Olgum & Igorum, qui olim terrori toti Græciæ,  
memorem? Quid dicam Suatoslaum, qui Bulgariam  
expugnauit: octoginta Castra cepit: tributum pēde-  
re iussit: ex ipsa Græcia ampla spolia retulit?

*Maior rerum mihi nascitur ordo,*

*Maius opus moueo,*

nempe ad Volodimirum, virum rarū, & ab aureo æuo,  
propero; ab aureo dico, quia ipso rerū potiente, au-  
rea Russis ætas illuxit: id est, Russia illustrata diuini lu-  
minis splendore. Hic namq; Annā sorore Basilij & Ano 990.  
Constantini Imperatorum orientis in coniugem acce-

B

ptā ta-



ptâ, tactus diuini Spiritus afflatu, simul doctrinam, ac fidem veram in Christum, æternam æterni Patris sobolem, verum Deum, verum & hominem accepit, & magnâ celebritate cum duodecim filijs, more gentilitio ex pluribus olim genitis vxoribus publicè ab Antistite Corſcimē: aquâ ſalutari perſuſus, totam Ruſſiam ad eandem religionem exemplo ſuo exciuit: monitis, ac præmijs allexit: minis, ſupplicijsq; traxit pertinaces. Mira ipſius pietas, & feruens in augenda religione Chriſti Dei, qui æternum

*verbum, quo omnipotens condidit omnia*

mirificè Principem dignum in ſui amorem accēderat. Ecce ſuis manibus templa, & idola falſorum Deorum demolitur: ecce ſimulacrum fulminis à ſe, & à ſua gēte maximè cultum, equis illigatum iubet trahi, & in Boryſthenem iniici. Vidit mehercle, & ſenſit religionem veram eſſe fulcrum, atq; vinculum Reip: adeò, vt hæc cum illa florente floreat, cadente cadat. Porrò quoniam qualiscunq; ea hauſta peruicaciter inſidet, & ſua cuique optima videtur: quia non ratione, ſed affectu à ſingulis diiudicatur. Senſit vir Deo dicatus, populum ægrè ab inueterata ſuperſtitione auelli: & ideò ipſe omnibus inſpectantibus manu ſua, arboribus, quas ante coluit, ſecures impingēs, & ab radicibus deturbās: Non eſt (clamabat) non eſt Deus, quod exſcindi, & deiici poteſt: agnoſcite miſeri errorem, oculosq; mentis iam tandem conuertite ad Deum, verum conditorem omnium, in omnia potentem. O virum rari, &  
ſingul



singularis exempli, vereq; natum ad diuina! Nullum  
 in ea re laborem fugit, nullam extimescit difficultatē;  
 etiam à Constantinopoliē: Patriarcha ( nullum cre-  
 do id tempus discidium habuit Ecclesia Orientalis ab  
 ea, quæ caterarum omnium est mater, ac magistra, à  
 nostra dico, quæ est Catholica Romana ) viros doctis-  
 simos, religionis veræ professores, qui primi nouellas  
 illas, ac teneras, nuper in horto Christi consitas, plan-  
 tas copiosis salubrium præceptorum imbribus rigârūt,  
 aduocauit: Metropolitē Kiouia, Archiepiscopum  
 Nouogrodi, in alijs vrbibus Episcopos, constituit.  
 Hic ego vos Illustres animæ Iaroslæ, Isaslæ, Basili, Ro-  
 scislæ, Suatopelce, Georgi, Iaropelce, Volodore, Mscia-  
 slæ, Romane, Leo à quo Leopolis, Theodorote, Io-  
 annes, Constantine, vel inuitus prætereo. In exigua  
 tabella, id est, in angusto vnus orationis curriculo  
 nequeo vestra facta pingere, seu exprimere: Danielis  
 saltem caput ostēdo, totum reliquum abscondo cor-  
 pus. Hic post Colomanum Regem, è numero viuorū  
 expunctum, Vngaris, vi, & magnâ potentiâ eiectis, im-  
 perio totius Rusiæ potitus, ob merita sua in religionē,  
 & singulares virtutes, insigne, sceptrumquē regium ab  
 Opillone, nuncio à sede Apostolica in Poloniā misso,  
 obtinuit. Rex fuit, honorē regium habuit, æternūquē  
 in Rusiâ suis reliquit, ni succedens ætas, minùs cupi-  
 da honoris, aut ambigens neglexisset. Sed

*tantūmne aliquis sibi posse videtur*

*Fata quoq; vt superet?*

*Certa stant omnia lege,*

Et ab

*Abbate  
Mefsaneā*

*E Consilio  
Lugdunē-  
si sub In-  
nocētio 4  
1240.*



Neminē  
fata pra  
seruunt

Et ab omni æternitate fataliter (pio dico sensu, quia ex Deo pergunt cuncta ordine suo) omnia destinata: nec consilio prudenti, nec remedio sagaci, diuinæ providentiæ fatalis dispositio subuerti, aut eueri potest. Stat æterni Dei lex æterna: ego per innumeros alios atavos, & prauos tuos venio ad Ioannis filium, tuum, Priuceps Illustrissime, auum.

*Hic vir hic est Diuū genus*

Constātinus noster, verè magnus inter magnos, quem magnitudo animi, & prudentia, cuius vtriusque egregium specimen dedit in publicis, ijsque arduis, negotijs; imò ipsa

*Ardens euexit ad æthera virtus:*

Accipe de illo testimoniū, seu elogium Pisonis, viri magni, Nuncij sedis Apostolicæ, ad Sigismundum primum Regem nostrum: *Dux Constantinus Ostrogus in re bellica facile princeps; domi Numa religiosior, foris Romulo non inferior, in quo nihil est, (omnes uno ore dicunt,) quod probari nequeat: ter & tricies feliciter victor. Quid mirum? verissimum Græcorum verbum:*

A quibus  
sapius ab  
his docet.

Εἰς ὧν ἐπαθὲς ἐμάρτυς

& Misericordia prudentiæ bona mater. Quippe Principes optimi, & prudentissimi, qui aliquādo in aduersa sorte. Talis noster: quia adhuc iuuenis bello captus, per annos septem apud Ioannem Ducē Moscouiæ in vinculis egit; egit, & sapere didicit. Nō aditum, non exitum facile reperio, si semel me penetro in profundum hoc rerum ab eo gestarum. Pugnas, victorias, triūphos, monu.



monumenta, munera ipsius obstupefcimus Visné paululum in his peregriner? Facio. oculos attole, & vide, quàm eum iuuat acer cruentum,

*Vultus in hostem.*

Vide quàm acerrimus ille propugnator Patriæ, ( extrema enim hîc tantùm tango ) vide inquam. Ecce testis Russia, quæ sæpenumero magnis oppressa hostium copijs, eorum ipsorum sanguine redundauit. Scytharum tres exercitus ingentes apud Sluscum ad interuentionem cecidit. Etiamnum cupis à Visnouecia dat fidem, quam magnis cinctam periculis, & celeritate consilij, & terrore belli explicauit, dum viginti quatuor millia Scytharum parua manu minore suorû clade ( quis credat vix centum suis amissis ) penitus deleuit. Nec hoc quidem satis est? Canouia docet, quam è faucibus Scytharû eripuit, dum viginti sex millia hostiû profligauit. Sic ea gens famelica, vel è flammâ cibum solita petere, diuinâ Ducis Ostrogij virtute cõpressa. O crudi Scythæ assueti viuere rapto, hisce cladibus

*Discite iustitiam moniti.*

το θεον σκολην (αζα βασις; ; vigilat tñ Diuin⁹ ille ocul⁹; &

*Nunquam antecedentem scelestum*

*Deferuit pede pena claudio.*

Ecce sistit effrenem illum vestrum impetum, & vos peccantes, paratosquē peccare benigniter tollit. Tollit vnâ vobiscum superbum, ac ferocem Moscum per nostrum Ducem Constantinum. Quid agis, ô Basili, Dux Moscouiæ.

*Distri-*

templum  
post acce-  
ptâ à Re-  
ge in ma-  
trimoniū  
Helenâ fi-  
liâ Ducis  
Moscouia

Numē dī-  
uinū lēre  
& ordine  
progre-  
sur



*Districtus ensis cui super impiā  
Cervice pender?*

Quid nobis, quid imperio nostro insultas? quid Polō-  
nis necem, Lituānis compedes minaris? quid gentem,  
& militem nostrum flagris iam ante victoriam in Mo-  
scouiam abigis? O impudentiam, ô insaniam, dum  
tam audacter.

*Tales & tantos rumores ante salutem*  
posueris! dum tam impudenter, & inconspetē cum  
Plautino milite totum agmē nostrū vno spiritu diffila-  
ueris! An te cepit aliquando cælestis illa curia, & tu  
illius decreta? Perge Tyranne,

*Dominare tumidus, spiritus altos gere,*  
& sitiens sanguinis, prædæquē, minas, & cēdem spira,  
rape ( prout polliceris ) cēde, vre, vasta. aberrabis mox  
à mente tua demente. aliud ecce supremę mentis in  
supremo illo consistorio æternum ab æterno decretū,  
occulto fine te inscium inuitumquē trahit ad tuum fi-  
nem. Agē dum flores paulisper, & viuis in hac scēna,  
animo iam ante tecum præcipe, elationem istam tuā,  
vel ( vt verius dicam ) superbiam, manere lachrymas,  
& deiectionem. Differis enim ad tempus, non dimit-  
teris: nemo quippe crimen in pectore gestat, qui non  
idē Nemesein in tergo. Hodie magnus es? cras alius,  
aut nullus: Videlicet superbię assidua comes deiectio,  
& pēna. Dicam in hac Tragēdia cum Tragico Poēta:

*Sequitur superbos ultor à tergo Deus,*  
qui nihil altum præter se vult; eiquē proprium



τὰ Ἄ ὑψλὰ ταπένδν, & δὲ τὰπέννα ὑλδν.

*Erecla  
deicere,  
deicla  
erigere*

Clarum in magno Persarum Rege Cyro, qui à Tho-  
myri capite truncatus, & caput in virem humani san-  
guinis plenum, iniectum: Clarum in Alexandro Ma-  
cedonum Rege, qui dum etiam homo fastidit esse, ve-  
neno extinctus, septem diebus insepultus iacuit: Cla-  
rum in Iulio Cæsare, inter pompæ fercula trium ver-  
borum præferente titulum, veni, vidi, vici, qui in Capi-  
tolio à Senatu suo tribus & viginti vulneribus confos-  
sus: Clarum in Baiasite, qui à Tamerlano captus, ca-  
uea ferrea inclusus, per omnem Asiam rerum huma-  
narum spectaculum ductus, desperatâ liberatione, iteratis  
validis ictibus, caput caueæ incussit, & indignantem a-  
nimam emisit: Clarum in Tomambeio Ægypti Afri-  
cæq; Sultano, qui arbiter paulò ante vitæ necisq; genti-  
um, in vrbe sua principe, mulo vicatim per ludibrium  
circumductus, infami laqueo strangulatus. Quid hæc  
memoro? clarum in te, ô Basili, cuius omnem vim vis illa  
suprema, à qua est omnis vis, subuertit, & euertit. Fuge,  
*heu fuge, teq; neci, teq; eripe vinclis.*

Ecce Cōstātinus Ostrogicus, qui in hoc euētu mētē suā  
subiecit Diuinę menti, & omnia sua æterno eius decre-  
to, ad Orsam Borysthenem cum suo milite traiecit: o-  
ctoginta millia validissimi tui exercitus disiecit, & dis-  
sipauit: quadraginta millia cecidit: quatuor amplius  
millia in seruitutem cum supremo tui exercitus Præfe-  
cto Ioanne Andrea Celadino, cum omni fermē Senatu  
ruo, in seruitutem abduxit: Castra, diuitiis referta, diri-

puit



puir, vastauit, incendit. Vbi nunc illa superba mens  
tua, superbe Basili? Non sustines, video, vires Ducis no-  
stri, deferis Smolenscum, Moscouiam vsquē fugis; &  
neq; hīc satis tutus, aut tectus, diffidis rebus tuis, &  
trepidas cum tuis, & toto illo peramplo Ducatu. Si-  
ste hīc gradum, fortuna belli tibi pepercit. Pacem pe-  
te à Rege, pete à Duce; facilliter habes, non in te pro-  
cellę desēuērūt grauiores. Mitis illa Diua Clemētia, quę  
lenit, quę tēperat, quę seruātū it, eos ipsos qui se perdūt:  
& anni tempus horridum inuictum Ducis mei sistit  
animum. Magnum virum, Principem vides virum, a-  
uum tuum, Princeps Illustrissime, & maiorem videres:  
vberior enim, & copiosior offertur mihi materia de il-  
lo dicendi; sed mihi lingua, ingeniumq; titubat, & ani-  
mus ad alterum Constantinū, huius filium, tuum Pa-  
rentem, festinat. Quid hīc faciam? quō me vertam?  
Nimirum non ipsius admirabili, inusitateq; virtuti  
par à me orationis genus potest adterri. Quid à me?  
omnium eloquentissimorum studium dicendi, illius  
dignitate inferius est. Magnus hic vir fuit, magni Russi

*Magnā de stirpe nepotum,*

magnum eius in religionem studium, magna in bonū  
Publicum merita, & quę nulla vnquā obscurabit obli-  
uio. Illustris siquidem, & peruagata eius fama multo-  
rum magnorūq; meritorum, & in ciues, & in Patriā  
firmiter radices fixit. Nostrum vixit cūum, nouimus  
quantus ille Princeps, nouimus prudentiā, virtutes,  
facta; laudes exprimere nō possumus, & silemus. Neq;

etiam

etiam Sol eget alienæ lucis: non item noster nostri præconij. Breuiter dico: Toga & Sagum Virum principem habuit; & diuino consilio, in illo confinio ferocissimarum, & rapacissimarum gentium, nomen Christianum, & Polonicum acerrimè impugnantium, constitutus fuit, tanquam in communi quadam arce, & propugnaculo ad sustinendam, & propulsandam barbarorum immanitatem, atq; agendas pro nobis excubias. Ita est profectò,

*Hostis non illi quisquam se impunè tulisset  
obuius armato;*

& ideo quod vixit (atq; utinā diutiùs vixisset: sed enim ex hac vita ad beatiorē abiit) virtute illius tegebamur: laboribus quiescebamus: periculis defendebamur. Ex hac aurea, & nobili stirpe tu aureus & nobilis ramus maiorum luce exsplenduisti; sed magis tuâ, quippe qui talem fortunam facere potuisses, nisi accepisses: imò maiorem, maiori luce virtutis, & meritorum. Etenim te ad verum decus nitentem, ingenij cultus, illaq; studia exceperunt, à quibus facilè itur in omnes dignitates. Scilicet ab ipso ineuntis æui flore accessit tibi institutio diligens, rectaq; radix & fulcrum totius reliquæ vitæ, à quâ per templum Virtutis ad templum Honoris,

*Quò te celestis sapientia duxerit, iisti.*

Ecce domi Græcis, pariterq; Latinis literis, & pulchris moribus diligenter excultus iuuenis Deo Duce in Italianam, matrem scientiarum, elegantiarumq; missus, ita



ibi egisti, ut voce ac digito signareris probitatis, modestiæ, grauitatis exemplar. Musarum pariter, & gratiarum decus. Quoniam moribus in illa ætate grauibus, humanitatis tamen, ac facilitatis condimento temperatis, eos quibus cum vnà eras, & incredibili quadâ iucunditate tibi conciliabas, & exemplo tuo ab omni improbitate reuocabas; literis verò atq; ingenio senum etiam doctissimorum doctrinam æquabas, ingenia superabas. Reuera quos magnis & nobilibus populis rectores destinauit supremum illud Numen, in eis plerumquæ virtus non expectat annos: sapientiæq; semina eorum animi & comprehendunt facilius, & tempestiuus adolescunt. Breui hinc imbibisti priscos illos Doctores ad vitam formandam, ratione in gubernandæ Reipub: danda capiendaque de rebus magnis consilia: hinc scientiâ de temporum ratione, terrarum situ, populorum institutis, ingeniis, moribus gentium inter se naturali sensu, aut dissensu hausisti: hinc Historiam percepisti sacram & profanam, nouam & veterem, domesticam & externam. Et sanè vtiliter: dici enim non potest, quanto tibi nunc & ornamento & auxilio doctrina sit, cum te & generis tui nobilitas, & tua virtus iam ad Reipub: gubernaculum admouerit. Feliciter in Poloniam redijsti, & statim ostendisti, nunquam desidem atq; ignauam esse virtutem: nullas ipsi esse à præclaris actionibus ferias: fortes & constâtes animos non ad quietem inuitari, sed ad labores & munera in Reipub: suscipienda suscitari. Annos natus non amplius

phus octodecim; Dubnū obsidio & periculo grandi à  
 Scythis cinctum, cuius seruandi vix spes iam erat, au-  
 spiciis paternis, belli celeritate explicasti. O felix prin-  
 cipium rerum à principe iuuentutis. Magna iam tum  
 omniū de te spes, & expectatio; neq; fefelisti. Promo-  
 uit Deus benignus altiū tuā virtutē, quia tibi ab ipso  
 principiū; ab ipso, inquā, & vero de ipso sensu, vero in  
 eā cultu. Discidiū fuit, & est fidei Græcæ, quā tu à parē-  
 tibus, & maioribus tuis acceperas traditam, à nostra  
 Catholica Romana Ecclesia, quæ omnium diuorum  
 est communis mater; & in cuius gremio (vt hac aurea  
 gnome ab ore aureo prolata vtar) mori felicius est  
 quā ab initio nasci: cum non nasci satius sit, quā in  
 hac non mori. *Hic enim ( verba Lactantij vsurpo ) est*  
*fons veritatis, hoc domicilium fidei, hoc templum Dei, quod*  
*si quis non intrauerit, vel à quo si quis exiuerit, est spe vite,*  
*& salutis æternæ alienus est.* Tu intrauisti, exire noluisti;  
 sed semel eam complexus fortiter, & constanter serua-  
 sti, & quidem multa dura & difficilia perpessus à pa-  
 rente tuo, ad religionem Græci ritus reuocante. Pro-  
 fectò triplici hic Ægide muniueras pectus: vero iudi-  
 cio, ac sensu de rebus humanis Diuinisque: Recto &  
 immoto animi robore, non elati externis, aut fortuitis  
 depressi: Voluntaria perpessione rerum, quæcunque  
 homini aliunde accidunt, aut incidunt; & idè stetisti,  
 vt in medio mari edita & altissimis defixa radicibus ru-  
 pes, stetisti, inquā, firmiter, & gradum firmasti cōtra  
 hunc insurgentem assultum. Vidistin? in scutis quo-

*Eteflam?*  
*to Ioannis*  
*Zamojski*  
*supmæ Præ*  
*fecti exer*  
*cituū, &*  
*Cancellar*  
*regni Pol.*



rundam hodie Regum sublime illud : NEC SPE,  
NEC MET V. in te conuenit, qui altus contra om-  
nem casum, & erectus, magnum illud tibi vindicasti:  
NON MOVERI. Et Reuera fuit. inconcussus in-  
ter nimbos, & fulmina, & tempestates, atque

*mediis tranquillus in undis*

in hocce tali casu visus es. Quid mirum? vt heliotro-  
pium ingenio suo semper ad solem: sic ratio tua ad  
Deum, originem suam, obuersa, firma in bono fuit,  
& immota, vnum idemque sentiens, vnum idemque  
appetēs. Maacte animi perge in hoc tali passu fidenter, &

*ne cede malis, sed contra audentior iro*

*Quàm tua te fortuna finit.*

Non enim deserit vnquam Numen benignum sibi fi-  
dentes: & tibi in vero de se sensu, in vero in se cultu  
contra omnes insultus præstò fuit, &

*per obstantes cateruas*

*Explicuit tua victor arma,*

dum hæc vincla sollicitudinum, quibus in hoc Caucaſo  
ligabaris, dempsit, téq; nouum Prometheum, nouus  
hic & verus Hercules soluit, & hanc pietatem largiter  
munerauit, quâ per ipsa pericula suum nomen, & Nu-  
men pio sensu, pio cultu, idque prisco more, iuisti as-  
sertum, defensum, propagatum. An non te vna? Pro-  
fectò hanc pietatem in pectus demissam virtutū agmē  
consecutum est, atq; etiam fælicitas externa. Et hoc ab  
omni æuo obseruatum; Deum qui se colūt attollere;  
& piis, religiosisque Principibus prospera plurimùm

*cuenire*

euenire. Vide vel in vna familia Austriaca. Rudolphus primus, huius gentis origo, merito pietatis fluctuans per dissidia imperium stabiliit, & gentem fatalem septris regnisq; propagauit. Vide in Teipso Dux Illustrissime, in quem Deus ob hanc ipsam rem effusus in suis dotibus internis, atq; externa felicitate, quibus sine titulo magnus es, & à teipso clarus. Sed hoc remota inuidia posterì magis dicent vix credituri, decrepantibus demum naturæ annis, tantum virtutis decus affulxisse; & quem vixisse moribus antiquis intelligent, antiquis quoq; temporibus natum putabunt. At uerò perennis naturæ fœcunditas ac æterna est. Omni æuo gignit, viros bonos, viros Principes. Nostro tu natus genio & ingenio, prudentia & virtute, in qua tibi Diua pietas præluxit, nomen prius, idq; æternum, inuenisti, quàm prælagisti. Et facile fuit. namquæ tibi memoria in id supra quod ascendi non potest, euecta: mens in tantū bona, quanta ex ipso virtutis vtero nasci potest: iudicium, quod ne qui intellexit quidem, sat & super miratur: ingenium, quantum vel mortalitas recipit, vel industria percipit: prudentia succedente ætate incredibilis verèq; Diuina, & quæ vtrū ciuilibus magis operibus an bello suffecerit, in ambiguo est. Iā grauitas in vultu ubiq; , & auctoritas in verbis & factis tuis singularis, at simul etiā comitas & humanitas: illæ venerabiles, istæ amabiles, adeò, vt nemo sit, quæ Sarmatia nostra magis reuerita sit, minus verita, & in quem duplici isto feratur affectu venerationis pariter, & amoris. Quid hîc



virtutes tuas numerem? Rectus, & sine fūco, virtutis a-  
mās tibi animus, & animi erecta magnitudo par vtriq;  
Fortunę. In altam Fortunam multi nimbi, procellę,  
fulmina incidunt, aut incurrunt. nil miserius Principe  
qui ad singula moueatur, aut se inflectat; nil te felici-  
us: quia sicut adamas, nobilissima inter gemmas, in-  
fractam vim habes ad omnia incerta rerum humanarū.

Namq;

*Rebus angustis animosus, atq;*

*Fortis appares: sapienter idem*

*Contrahis vento nimum secundo*

*Turgida vela.*

Tractas humana, eaq; nosti: sed iis te etiam eximis, &  
tecum dicis: O quam contempta res est homo, nisi su-  
per humana se crexerit. Erectus tibi, dixi, animus; sed  
etiam ius, & æquum in se, inque aliis firmiter seruans,  
& clemens atq; benignus. Namque à barbaro istud est  
barbarum: **IN MAGNA FORTVNA ID Æ-**  
**QVIVS, QVOD VALIDIVS:** & ideò sola  
credis licere tibi laudanda, omnibusque tribuis, quod  
suum est, meritis præmium, noxiis pœnam; sed etiam  
simul lenis, & temperas, etiam noxios eripis, lapsos  
erigis. Et sanè hæc mitis Diua decet magnos animos:  
& quod notes, non nisi in eos cadit. Si quidem hæc

*Est summa virtus, petitur hac calum viâ.*

Amplius: continens & temperans: non enim quicquā  
indecorè effæminateuè dicis, aut facis, sed omnia de-  
center, viriliter, in ordine & modo. Taceo alias re i-  
quas virtutes, quę in te Sole clariores. Quid illa admi-  
rabilis

*Cur. Tac.  
xv. Annal.*

rabilis moderatio in alta Fortuna? Mehercle inter tot  
obsequia Fortunæ difficilè est non alta sapere, & non  
abripi licentiæ ventis: quia intertalia non satis cauta  
mortalitas. Non difficilè tibi: quia nosti hominem te  
esse: magnas arbores diu crescere, vnâ horâ extirpari:  
cuncta mortaliū incerta; & ideo quantò plus adeptus  
es, tantò te magis in lubrico censes, ideo sensum de te,  
tuisque temperas, imò & actionem. Hinc sermo tibi  
grauis, & paucus; sed idem prudens. odisti quorum  
omnis virtus in lingua sita. Cultus decēs, & sobrius.  
turpe quippe ducis viro, cùm animum habeat, capta-  
re laudes ex corpore. Et certè quid opus? *Ἐμοι γέ μιν οὐκ ἐκ θεῶν τιμὴ τῆς κατὰ χάριν συμπάρεπται Ἀνδρι ἄρχοντι.* *Mibi vi-*  
*deur à*  
Cum Xenophonte dico. Age verò in diuitiis maius *Deo Ve-*  
quiddam est, quàm imperiti suspicentur, rectum cur- *nus quē-*  
sum in vndoso isto mari tenere, tenes, *piā comi-*  
*tari virū*

*te liquidus Fortuna riuus inaurat. Sed* *Principē*

*Dij tibi diuitias dederunt, artemq; fruendi:*

quia prudenter mentem ab his, ad altiora natam, auo-  
cas, & contemnis; sed contemnis cum modo, qui  
nisi adest, insipiens omnis sapientia est. Et quidem  
homini ego nil humanarum rerum magnum esse  
fateor, si animum, & cœlestem illam Particulam spe-  
ctes: si corpus, & si vitam, cur prorsus negligas ea, quę  
ad opes faciunt, aut honores? Abiectè sapit quisquis  
ea sic abiicit. Tu te erigis: quia tibi omnia ad Bonum  
Publicum, omnia ad pietatem, & salutem directā: ad  
quam nisi pertingimus, malè, & infelicitè decurrimus  
*hoc*



hoc quicquid est vitę. Hinc te Deum quendam terre-  
striem ad benefaciendũ humano generi ẽ cælo missũ  
ducimus : quia fontem benignitatis tuę in omnes re-  
serasti ; & verẽ fontem : ita largiter, & perenniter in o-  
mnes fluit. Nec ista in gratiam, aut gloriam. Deo soli,  
& vsibus humanis imputas : & fructum beneficii vnum  
censes, F E C I S S E. O rarum mirũmq; virum : O di-  
gnum hac, & maiore Fortunã, qui tam bene eam cepit :  
Sic, Princeps Illustrissime, in omni externa specie  
facis, & ego videre te videor

*Tranquillum, vultus submittentemq; modesti*

*Fortunę vexilla tuę.*

*Curt. lib.  
vij*

Modestiam enim ab Scythia præcepto non Scythico  
complexus, Fortunam tuam pressis manibus tenes, &  
felicitati trenos imponis ; atq; ita, licet lubricam, faci-  
lius regis. Denique mores tui quales ? Poëtę verbis de-  
scribo :

*Fœcunda quies, virtusq; serena,*

*Fronte grauis, saeuusq; decor, luxurq; carentes*

*Delitia.*

Voce magna clamo : omnia habes sine iactantiã, pro-  
catiã, vanitate. Et non miror. Fulcimentum omnia-  
bus hisce doctrina, quam cum ipso hausisti lacte : per  
hanc enim animus noster discit omnes motus magis  
habere in potestate. Hinc Plutarchus Marcio Corio-  
lano, & Caio Mario, summis alioqui viris, hanc vnã  
defuisse ostendit : qui si Musis, Gratijsque litassent,  
non impetu ablati tam fœdum, & turpem rebus suis  
exitum

exitum dedissent. Litaſti, ô Princeps, virisq; atq; produ-  
cis in vſum publicum. Quid enim ille innatus amor in  
viros doctos? quid in Academiã noſtrã, antiquam ſedẽ  
Muſarum, atq; virtutum? Odiſti nouellos Doctores,  
qui noua concinnabula aperiunt, & non candidam  
ſimplicitatem, ſed fucum, atq; adeò in ſuum, nõ Publi-  
ci Boni vſum. O fœlix olim Polonia, cum tibi recto-  
res, & Senatus ex hoc vetuſto Gymnaſio! O fœlix Aca-  
demia, mater mea, cum Reges, & omnes Regni ordi-  
nes certatim in amorem tui inclinati. Si qua Academi-  
arum in orbe terrarum ( audacter ſic loquar ) floruit;  
eam Cracouiẽn. ex animi mei ſententia poſſum pro-  
fiteri. Sed hîc mihi ſuſpirium: heu decor ille, & flos  
omnis, quomodo exaruit? Agnoſco vt in mari fluxum  
hunc Fortune, & refluxum: & Prouidentię occultam  
legem, quę attollit, deiicit, iterumq; attollit: & tibi  
( præſagus Vates vera ominor ) ô Academia mea fiet.  
Interea animum erige, & præi nobis exemplo ad ro-  
bur, & conſtantiam, quia, vt formoſa corpora etiam in  
morbo veſtigia decoris ſui retinent: ſic tu priſtini ſplẽ-  
doris. Conſide autem: deliquium aliquot veluti So-  
lis eſt, non interitus; exurges. Ita me credere firma  
tua in Deum pietas, in Bonum Publicum amor, in  
Regẽ tuũ, & Ordines Regni obſequiũ, atq; candor  
cogit: ille, & iſti aderunt, & Genius inprimis tuus  
potens, & perpetua tutela. Vis fidem? Ianuſſius Oſtro-  
gius Princeps inter alios tibi offert, qui dictis, & factis,  
pro aris, honore, ſalutẽq; tua cum liuore calumnian-



tium depugnat; & nō in alio, in tuo gremio alumnos suos semper fouet, & alit in vsum vtriusq; Reipub: sacre, & prophane. Et non immeritō: omnis ætas docuit, literarum studiis, & florentibus ingeniorum virtutibus, imperia crescere, & florescere. Gaude ô Academia mea tanto protectore: gaude ô Polonia tanto Senatore. Vidit enim Sigismundus Rex sapientissimus bona tua, ô Princeps, cū te coram vidit: Vidit istam dignitatem corporis, eloquium oris, animi prudentiā; & statim in sanctius consilium adsciuit, auxit, dico, S E N A T O R I A, eaq; primariā dignitate, quā sustines cum fauore, laude, plausu,

*Omibus incutiens blandum per pectora amorem.*

Diuinitas quædam videtur, & est profectō hæc dignitas in te: *Nam consulta Patrum, nam leges iuraq; seruans* salutariter, & ex vsu publico illam administras. Enim uerō Princeps es Gente, Princeps dignitate, Princeps mente, linguâ, consilio. Namq; , ad mentem Demosthenis, dum nauis Reipub: est salua, promptè consulis, & prouidè: quia postquam fluctus exuperat, inane est studium. Consulis etiam seriò, & non properanter: quia omnia non properanti clara certa q; sunt: festinatio verò est cæca. Vidimus, videmus, videbimus bona consilia morâ valescere; maximè apud te, cuius consilij gubernaculum lex Diuina, sine cuius ope nihil ritè, nihil prouidenter auspicamur. Et ideò vel maximè fortis apud te, non obnoxia, sententia, quod magnum in Senatore, atque vtile munus, vt ex mente Solonis

Nam  
vt sit,  
Senat

sed te  
abit i  
quia  
tum  
quam  
vir ve  
sed v  
tenes  
hoc g  
cul a  
res se  
preci  
tum  
sub tr  
duoc

Ita, m  
tatem  
Princ  
cul s

Ξυμὸς δὲ μὴ τὰ ἥδιστα, ἀλλὰ τὰ καλλίστα.

Nam reuera rara hæc nimis in aulis Principum virtus, Consulus,  
nō manifest  
fima, sed  
utilissima  
vt sit, qui omnia possidentibus verum dicat; dicis tu,  
Senator dignissime, sed moderatè: quia

*Est modus in rebus, sunt certi deniq; fines,*

*Vltra quos, citrag; nequit consistere verum;*

sed tempestiuè: quia frequenter saluberrima medicina  
abit in perniciem, data non opportunè; sed cōstanter:  
quia fœda est vacillatio sententiam mutantium, & cer-  
tum signum non certę mentis. Certa mentibus, nun-  
quam te in aliquibus mutas, sed potius aptas: quia  
vir verè prudens & sapiens, non semper it vno gradu,  
sed vnâ viâ: tu, vt verbo dicam, non cursum eundem  
tenes, sed portum, qui est salus publici Boni. Sed in  
hoc gradu vel hoc vno potissimùm excellis: quia pro-  
cul à te rei tuę studium. quippe rectè censes, priuatas  
res semper offecisse, offecturasq; publicis consiliis: &  
pręcipuum veri iudiciij venenum, atq; Reipub: interit-  
um suam cuiq; vtilitatem. Docuerunt Athenę, olim  
sub triginta Tyrannis afflictę: docuit Polonia bis sub  
duodecim Palatinis.

*Tunc nos calcabant Moraui, tunc Pannonēs: omnis*

*Deniq; Lechitis quisquis iniquus erat,*

*Dum sua quisque petit, querit sua.*

Ita, mehercle, ita, priuatum bonum, fidem & probi-  
tatem euertit: duo boni consilij instrumenta. A Te, ô  
Princeps, iterum dico, procul huiusce modi mēs, pro-  
cul sententia: qui omnia ad publicam salutem dirigit.



Ah vtinā in hac, & alijs virtutibus tibi similes, qui gradu similes: quorum aliqui ( plerique, nolo dicere ) in ista altitudine, nihil nisi alti sunt: & vt Cupressi, cætera steriles, præter speciem nihil habent. Vtinam, dico, plures tuę classis ita sint animati: non verear dicere, illorum ornamento, Reipub: præsidio id fore; & consultius atque felicius quædam administratum iri. Sed enim (prò dolor) cum nos longè oporteat prospicere futuros casus Reipub: iam deflexit de spacio, curriculumque consuetudo maiorum. Nimirum multi callido ingenio, semper mouent aliquid; & nec quieta, quieta sinunt: multi officium suum sanctum, atq; solenne rei suę studio comminuere ac violare solent: multi, priuati odij pertinaciâ, spirant in publicum exitium; etiam in **CONSILIO SANCTIORI** nō aliter quàm remiges, & nautę digladiantur in vna aliqua nauis, & Bonum Publicum priuatis simultatibus impediunt, immemores exempli Aristidis, qui Themistocli valde aduersus, in vnā legationem cum eo missus, ad portam vrbis veniens: Visnè, ô Themistocle, (inqt) inimicitias paulisper hîc deponamus, recepturi eas, cū redierimus? Sciebat, scilicet, rem communem, sine communione animorum nunquam rectè administrari. Demum multi certamen plerumque adulationis certant, & dant se non magno alicui solùm; sed his qui magni apud magnum. Quod vitium ita inhærens & affixum aulæ, vt desperem posse euelli. Placentini, aut Laudenses ferè totum hoc genus: quia aut eo sententias

tentia  
gratia  
regen  
piunt  
ro ne  
tatem  
uëris  
que  
& tan  
hîc P  
pus.  
torum  
rio: v

Vidin  
venal  
merit  
homi  
vno v  
omni  
retur  
te, lin  
iusti  
orum  
nuus,  
tatem  
alui

tentias dirigunt, quò Principem ire censent; aut in gratiam eorum flectunt, qui ipsi in flagranti gratia sint regentis. Nec mirum: nam & fructum presentem capiunt, & res, in facili, ac sine labore. Et ideo pauci Veronenses. Tu inter eos primus, & Princeps, qui dignitatem tuam multos annos ita sustines, ut fidem probaveris, & communiter omnibus integritatem, animumque ab omni labe, aut corruptelâ immunem. Talis & tanta prudentia tua in quiete, quid in motu? Etiam hîc Patrię & Boni Publici integritas, & salus tibi scopus. Motum vidimus nostra ætate, cum arma subditorum in suum Regem mota pro religione & imperio; vidimus

*parentes.*

*Frontibus aduersis fraternasq; cominus arma,  
Cognatasq; acies:*

Vidimus milites in omne fas nefasque auidos, aut venales, non sacro, non profano abstinentes, quòd meritò mare ipsum dixerim calamitatum: vidimus homines quosdam maioris animi, quàm consilij, vno veluti filo appendisse Publicam salutem: vidimus omnia sic turbata, aut desperata, ut pars consilij censeretur, nō se miscuisse consilijs. Tu Te, miscuisti, mente, linguâ, factis. Etenim velut Sol dispellens tenebras iuisti obuiam malo; & in quiete, aut subductione aliorum manum ad clauum porrexisti: nam & manu strenuus, & consilio prouidus ad salutem Patrię, & dignitatem Regis, lectissimum & copiosissimum exercitum aluisti. Aiunt gloriari solitum Q. Hortensium quod



nunquam ciuili bello interfuisset, tibi mens alia, & lex  
Solonis suavit: IN CASV (inquit) *Ciuilis discordia,*  
*qui non alterutri parti sese adiunxerit, sed à communi malo*  
*seceſſerit, domo, patria, fortunis careto: exul, extorrisq; esto.*  
Quis enim color, aut ratio, cum tranquillis rebus ad  
Clauum sederis, vt deferas, abijciasq; eum turbatis?  
Romanus ille Cato, virtutum viua imago, non comi-  
tem solum ciuilibus armis se præbuit, sed Ducem. Cla-  
ri quippe & illustris viri est, omni tempore, cum omni  
honore in Repub: versari, atq; in ea excellentius sese  
gerere. Tu talis, ô Princeps, & fecisti: quia in commu-  
ni illo motu iunxisti te gregi tuo: id est, bonis, & Regi  
tuo; sed cum hac lege, vt consilia tua, Pacis & Togæ  
socia, non belli, atq; armorum essent. Nam etiam in  
ipso æstu belli, huc illa contulisti: id est, victoriæ, atq;  
iræ moderatus es: O virum! ô ciuem! certius sapientis  
exemplar, quàm Hercules, aut Vlisses: Istud profectò  
est istud, verè sapientem esse: exercere, & ostendere in  
Sole, atq; opere, quæ aliis in vmbra atq; ocio differun-  
tur. Ecce hic

*surgit post nubila Phæbus.*

ecce felicem res sortita finem. Totius belli stamen, ac  
subtegmen tuâ prudentiâ abruptum est: belli, inquâ,  
ciuilis incendium salute Patriæ restinctum. Neque hoc  
satis, etiam alibi tuam prudentiâ, tuas vires nouimus.  
namque à crudo & immani Scythico hoste, ceu ab im-  
bre effuso, sæpenumero Patriæ nostræ

*Omnis laterum compago fatiscit,*  
dum audimus ab illis latronibus, loca sacra profanari:  
oppi-

oppid  
num

quia  
baroru  
cendia  
nis, co  
oppid  
tibi al  
tatem  
cessisti  
rus vir  
saucio  
latibus

dignit  
saluten

per qu  
olim M  
illustri  
dus, 2  
laudis,  
uio on  
Fini  
fero, m  
æternit

oppida capi, & incendi agros vastari: multam hominum multitudinem in foedam seruitutem abduci.

*Tu veniens nimbosq; fugas, solemq; reducis.*

quia positus in ultimo illo confinio, exultantem barbarorum audaciam comprimis: flammam, ferrū, incendia, rapinas, libidinem, à nostra vita, tectis, fortunis, corporibus arces: à templis sacrilegia depellis, ab oppidis direptionem, ab agris vastitatem. Profectò tibi alij vitā debemus: alij libertatem: omnes securitatem. nunquam enim barbaro ex acie, aut campo cessisti: quia te duce tuus miles didicit vincere, barbarus vinci. O quàm frequenter campi illi, hostium aut sauciorum, aut morientium inconditis personant vultibus. Sic Princeps Illustrissime,

*Ἡ ἐλάχιστοισιν ἀνθρώποις τὰ αὐτοῦ κοσμεῖς.*

dignitatem dico & Patriam tuam, in cuius bonum & salutem mirificè te accendit.

*fax mentis honestæ*

*Gloria.*

per quam mortalis tua vita immortalis est. Vt enim olim Magi aduersus Plutonem & tenebras, lucido, & illustri amictu se muniebant: sic tu, veræ vitæ cupidus, aduersus mortalitatis horrorem, immortalis luce laudis, atquè famæ; sine qua omnis vita mors est, obliuio omne nomen:

Finio, Princeps Illustrissime, vnaquè constanter assero, me, dum te sic Sarmatiæ, imò toti mundo, atquè æternitati depingo, aut defingo, de Bono Publico mereri.

*Quæ nas  
citur spars  
tā hac or-  
nas.*



rer. Leget hæc nostrum ævum, leget posterius, & imitabitur, te prisce, & illustris non magis sanguinis sobolem, quàm virtutis heredem. Quidni? Conabitur ad eam gloriam atq; nomen id, quod iam tibi: id est, æternum atq; magnū: quia tu ipse magnus, & omnia in te magna; maioraquē futura, si maior aliquis tue virtuti campus. Voueo, & acclamo; sed etiam maiorem aperio. Tu erigere,

*O decus eximium, & magnis virtutibus auge*  
omnium de te conceptam spem, atq; expectationem. Ecce prisca Religio ab ipso Deo, per Deum, prolem Dei æternā, & Diuos nobis tradita, impetitur, & turbatur à sensibus, qui ab Orco nati. Fortiter resiste, & propugna, quæq; disiecta, in vno assere. Vt enim Principis est in òni virtute populo præire; ita in pietate maximè, quæ princeps, & caput virtutū. Ecce Patria nostra (prò dolor) in varia distracta, grauib<sup>9</sup> vrgetur pcellis, vrgetur internis, & externis fluctibus, & vt video, sanguinis Polonici fluctib<sup>9</sup> miserandū in modū premitur, vt video,

*Nudum remigio latus,*

*Et malus celeri saucius Africo,*

*Antennæq; gemunt, ac sine funibus*

*Vix durare carina*

*Possint imperiosius*

*Æquor.*

Agè cum Deo benigno, vir prudentissime, accede, & iuua gubernaculum Tuā prudentiā, Tuo consilio; sed etiam forti dexterā. Superbit Tyrannus, & hostis Asiaticus

aticus ob nostrum sanguinem recens effusum. Accingere gladio tuo super femur tuum, vlciscere, & aliquatulum decus nominis Polonici imminutum instaui. Porro cum isthec duce supremâ illâ mente, quę omnia ex mente, & salute nostra facit, effeceris, Musę tibi restant, Musę: & vnicum illarum domicilium, vnica, inquam, in totâ Sarmatiâ Academia nostra, quę candidè, & constanter cōtra omnes verę pietati aduersantes, opinionones, validum semper fuit propugnaculū: atq; etiam procreatrix fortium virorum, Bonum Publicum amantium, & illud in melius promouētium. Eam tu, Princeps Illustrissime, quę tibi per me suos commendat Lares, calidè, oro, foue, promoue, attolle, contra insurgentes liuidorum impetus defende, & vnā me alumnum, aut filium eius in tuam tutelam, atq; fidem suscipe Magnum æternumquę, vt dixi, iam tibi nomē, maius æterniusquę ( si licet sic dicere ) te manet à Musis: quia vt rectè Pindarus: *Ῥῆμα δ' ἐργμάτων χρονίαλερον*

*διδέσκει, ὅτι κε σιω, χαριτῶν τύχα γλῶσσα φρενὸς ἐξέλο λαθεῖας.*

Imò à solis Musis vna, & sola æternitas: nihil enim est, cui non senectus sua; Virtus, & Musa, solæ immunes ab ista lege


DIXI.




*Sermo fac  
Etis diuti-  
us viuit,  
quem cū  
Gratys  
volētibus  
lingua è  
mente ex-  
tulerit pro-  
funda.*













Biblioteka Jagiellońska



stdr0027316



